

北輿要選

全

退庵秘藏

子孫傳守

用庠謹書

序

我韓疆域東西南三面限於海而北連大陸以高句麗渤海舊疆言之自遼東至松花江北皆其版圖之內今雖不能盡提舊疆而土門江南北爲韓清交界之限故定界碑在分水嶺上卽康熙壬辰所立今清人越佔土門以南者不惟違背公法亦非恪守舊章之義也在我韓則白頭山爲一國諸山之祖而惟我

聖祖肇基鴻業詩所謂太王荒之文王康之者實在于是則岐豐之地其可委之耶我民之聚居北墾島者其尊君親上之心發於自然日夜南望曰吾

皇其撫我乎則其民又可棄耶此北輿要選之所以作也
歲戊戌余視事內部北民吳三甲等以疆界未勘人民漏
籍事上言特蒙 批旨令政府稟處已亥春更顧內部故
令觀察使查界以報一與民辭相符至壬寅島中士韓台
教慨然欲濟其事送池用洙張鳳翰金炳燮等申其前請
久而益切京師人鄭昌錫亦義之而先後之於是自內部
奏派李範允爲觀察使暨李秉純李昇鎬爲委員往查其
地撫綏其民三君亦不憚艱險殫竭對揚民皆懽忻入版
籍者凡二萬七千四百餘戶男女十餘萬口嗚呼民之愛
戴朝廷如此而朝廷不庇字其民可乎視察君以爲疆界

一日未勘則吾民無一日之安欲採古蹟纂成地誌以資公證之攷據而金處士魯奎隱居慶源蘊德行抱經濟久已留心於疆界之事又感視察君之苦心裒輯古今文字之鑿鑿有據者間附按說以辨之令門人吳在英謄寫一本曰北輿要選視察君爲之鈐梓俾廣其傳謂余知其顛末問序於余余惟墾島之事以其標界則石不磨矣以其居民則版籍自在矣重之以是書之質諸世界公眼則鄆汶之還也其亦有日也夫是爲序

光武七年癸卯仲夏上澣從一品崇祿大夫前任議政府贊政內部大臣奎章閣學士完山李乾夏謹識

贊皇內將大司馬車騎將軍士族口平漢

世有子手執鞭撻夏土繼一岳繼太夫

之妻也其亦亦日也夫長祿

凡報國者自來矣

雖事公金

日之與

雖事公金

留以代

雖事公金

一日未

序

自遼東至黑龍江皆朝鮮高句麗渤海之舊疆三國
相承撫有其地者數千年自大氏之不祀而被契丹
遼金之割據以檀箕之遺民淪爲女真之部落豈非
我韓無窮之恨哉高麗之界限於先春嶺則其威靈
猶有及於江北之地者矣惟我

聖祖發祥于北若幹東奚關南京金塘

德陵 安陵舊基皆在江北艮島之地則國家重其
土恤其民當視周之岐漆漢之豐沛而置諸荒服之
外者爲幾百年疆域之臣安得以辭其責哉况艮

島在土門以南爲定界碑限內之區乎蓋穆克登立石分水嶺上以水之源委分國之界限記曰西爲鴨綠東爲土門則土門下流爲松花江入海以東者亦我界限之內于時兩國查邊之臣會審確定申明政府奠安人民以爲永久固圉之圖可也我則以邊釁爲慮而空其地清反謂其國疆而佔之終至割與俄人千餘里之地韓固失之清亦何利乎且穆克登之請我定界也我之巡按以下稱疾不會只土校數人進退惟謹濶狹惟命是雖失之而不知所以失之者尙何言哉今清人欲轄土門以南者亦豈當日定界

之意哉我

皇上壬午經畧使始有探界之事乙酉有勘界使之
審卞丁酉有觀察使之察界戊戌自內部因北民之
籲有查界之舉前後文字畧無異同而何遲疑未定
欲等棄我疆我民乎此李君範允所以誓心發憤不
避艱險於管理之責者而金處士魯奎爲之輯之論
之有北輿要選之述者也李君欲梓行其書以爲世
界之證案而若韓台教吳在英張鳳翰曹恒植諸君
皆間關數千里旅食三數年或身任其勞或義捐其
資以就之亦皆可嘉也諸君謂余亦有熱心於此者

故要余一言以弁其卷余惟諸君之心卽良島數十
萬生靈之心民之所欲天必從之瞻彼龍堂實是肇
基我

聖祖陟降在天之靈其默佑我民使之反本也必矣
詩所謂周雖舊邦其命維新者實今日臣民之祝也
光武八年季春下浣從一品崇政大夫議政府贊政
農商工部大臣兼表勲院議定官勲三等金嘉鎮
謹序

序

我韓山川皆祖宗白頭而豆滿之北土門之南有北良島
島之幹東奚關南京三處實維我

聖祖發祥之地粵在

肅廟壬辰清廷遣烏喇總管穆克登勘定邊界我亦遣接
伴使朴權以訂定之立石分水嶺上刻曰西爲鴨綠東爲
土門又築土墩及石堆爲標者延至九十餘里蓋以此爲
銅柱者也職是言之良島卽我岐漆豐沛之鄉而以荒
裔視之可乎康熙時之定界也固以土門以南屬之於我
則今豈蔑公法而背先憲侵佔我疆哉是蓋兩國勘界之

未講故爾往在壬寅夏余遊遼西覽其山川採其史誌則
湯河南鴨綠北舊爲我地明矣癸卯春又入艮島與吳君
在英環行全島南溯豆滿北至先春西登白頭東臨海港
我民之居島中者爲七八萬戶林木之間烟火相望乃清
人之侵索脅勒日甚一日真有觸目愁慘者矣於是北民
上言于 朝再籲于內部則派遣視察使李範允往轄島
民盡心撫綏以効對揚之責一日示余以北興要選一卷
乃鶴陰金處士蒐輯往牒間附按說以副李君賢勞之至
意者也李君欲其梓行于世以爲壇界之證案而鳩得若
千醵金送人京師在再一年力盡而書未就曹君恒植疎

財好義之士特捐千金謀諸吳君在英校而印之吳君以
鶴陰高足嘗執筆於謄書之日而今復周旋於剗剗之役
可謂克終其始者矣嗚呼是書之出也足以照萬國之公
眼破百年之疑案則龜陰之地豈無還魯之日乎余亦疲
盡脚力於此土之區域費盡心算於此事之顛末者故忘
其陋而書之如此云爾

光武八年暮春白山樵夫柳完茂謹書

三十一

一

嗚呼是書之出豈偶然哉吾師鶴陰金先生有感於
管理使李公範允盡心墾島事務爲之編纂而自白
頭古蹟至近日查察公文罔不蒐羅極其綜核在英
與龍堂崔君基憲侍先生服操管之役者亦四閱月
矣癸卯仲夏李公謀諸李昇鎬李恒燮諸君鳩得義
捐之資送于輦轂之下冀其印出多本公布天下
其意遠矣奈其原本轉入他手遽化烏有無望入梓
吁可歎也在英踵至京師甚庸慨然致書于李公者
屢矣鍾山居曹君恒植激發公憤捐出千金間關跋
涉偕柳君白樵入洛請余訖工噫諸君子之用心豈

不足以感動天人將復我國疆庇我人民哉是書之
終始亦若有待於在英者竊有感焉畧識其顛末云
光武八年甲辰春三月穀旦金塘吳在英謹書

北輿要選目錄

上編

白頭古蹟攷

白頭舊疆攷

白頭圖本攷

白頭碑記攷

下編

探界公文攷

勘界公文攷

察界公文攷

查界公文攷

右北輿要選目錄也古今天下輿地之有圖有記
廣矣自天下而觀吾東則四海之一隅由大東而
按北局則亦八域之一邊天限未定江山錯認人
文未著史誌散逸此地方輿之攷莫或整頓本其
初而論之先春嶺南皆屬我疆而要之越乎白頭
一山也噫中州之泰山陽爲魯陰爲齊而今白山
左右韓清分界韓先肇基於豆滿之北清亦發跡
於松花之北惟土門一派流中不偏至於望祀殆
同齊魯之泰山先輩有言白頭山北起窮髮上絕

天漢其大甲乙乎中州之五嶽然則五嶽之東泰山主內白山主外名著天下久矣恭惟我

大皇帝光武六年壬寅夏因內部大臣李乾夏請咸北墾

島編籍之奏

命視察使

臣

李範允曰汝往哉

臣

範允與委員李秉純李昇鎬仗節查邊撫諭白山下北遼寓民二萬七千四百餘戶男女十餘萬口復編韓籍夫版籍旣舉輿圖可徵何泰山之有誌而獨闕於白山也述在職方氏所掌姑徐俟之願今列強闢地殖民之會雖遊覽坐談方務地理之學惟北遼遼國朝固有之疆我民日蕃清挾虎

視之舊威因循越占土門爭界餘二十年矣抑辦
曲情辭不掩理尙欺天下之耳目是皆由北興古
據之未廣於寰宇也暇採北蹟歷選疆界往事之
要分編上下每有攷輒附按辨以便查閱其曰凡
八總名之曰北興要選嗚呼春秋之世魯以弱國
事齊勢也齊以侵地還魯義也我韓發祥萃在此
筵儘非龜陰汶陽之比而彼凌我弱尙不肯還豈
兩鄰交好之公法耶竊有望於天下興地之博議
云

北興要選目錄

北輿要選上

金塘吳在英校正

鍾山曹恒植義捐

白頭古蹟攷

東國文獻備考曰白頭山在茂山府西三百五十里一統志云在故會寧府南六十里橫亘千里高二百里有潭周八十里南流爲鴨綠江北流爲混同江東流爲阿也苦河

肅宗三十八年烏喇總管穆克登來白頭山定界我國遣接伴使朴權咸鏡監司李善溥遇克登於三水之蓮困克

登與譯官金應瀛金慶門同上看審坐汧水間謂慶門曰
此可名分水嶺遂勒石爲記

海左地圖說曰白頭山首起西北直下大荒至此陡立
其高不知幾千萬仞山巔有池如人顙穴周可二三十
里水色黝黑不測四月冰雪委積望之漠漠一銀海也
山形在遠若覆白甕及登巔四圍微凸中窪如仰甕口
向上外白內赤四壁側立若糊丹埴圻其北數尺水溢
出爲瀑卽黑龍江源也從岡脊而下三四里始得鴨綠
之源

清儒吳兆騫長白山賦曰混同之本鴨綠之源斡爲神

池以宅乎其間

自註云池在山之極頂縱餘五里橫入里北流至松花烏拉入黑龍爲混同江

南流至朝鮮爲鴨綠江

又曰羣流既渫四派乃馳

自註云四月間池水及石罅凍

泉先開其出之水凡四派穿白石崖而下掛流百丈聲若驚雷

出乎松花之陬注乎烏

龍之外

四派之水至尼雅穆尼雅庫匯爲一流以入於松花烏拉

又曰畢山經以撰

異莫茲嶽之靈長

自註云本傳其上有仙靈往來擅射麋鹿者卽雲霧迷徑○兆騫江蘇人

順治間謫戍寧古塔康熙初作長白山賦詳見吉林通誌

按

白頭山山海經所謂不咸山唐史所稱長白山也蓋

崑崙一枝行大漠之南東爲醫巫閭山自此大斷爲遼東之野渡野起爲白頭山卽我國山脉之首也

成宗庚子倣大明一統志例命史臣撰輿地勝覽具載本

國地理是時關北茂山尙未設焉因誌白頭於會寧山
川條曰在府西七八日程若一統志之會寧府指金人
所設上京之地不可錯與我國會寧看也山上之潭周
三說不同後者可明古人圖誌多隨所聞故潭之溢者
流於三方然據今諸見則獨北溢之流爲松花真源而
至於黑龍混同也鴨綠之源從是潭近南岡脊而出其
曰東流之阿也苦河亦必指大潭相近之水也今不可
詳然記昔壬辰定界穆克登坐汊字彙曰水岐流水間旣分東
西而歧流於西曰鴨綠歧流於東曰土門則大明所誌
阿也苦河抑非此江歟天下地理家若詳其坐汊名嶺

之義孰不曰碑記土門必分水嶺岐流之一也

英祖朝寶鑑曰丁亥秋七月左議政韓翼謩言白頭山乃是我國之祖宗山而北道又爲國朝發祥之地北嶽祀秩今宜移設於白頭山也 上下詢大臣奉朝賀俞拓基曰我國諸山皆發脉於白頭山而山之傍近又是

列聖發祥之地立國近四百年尙未崇祀恐是闕典白山之祀臣無容別議 上從之命咸鏡道臣擇地於甲山府八十里雲寵堡北望德坪建閣望祀於白頭山

附白頭山下發祥古蹟

自白頭山潭外向南越壑

土門溝壑

踰嶺

長山嶺

百餘里之地

始發豆滿江本源合紅土山水紅湍水而漸大至茂山
三下面北受兀口江南受西豆水經茂邑過會寧至鍾

城之童巾

今潼關境

以上古稱魚潤江或曰於伊後江又與

分界江會而以下古稱豆滿江也自此沿穩城至美錢
東受三汗江至慶源之東林琿春江自東而入南下十
里許五龍川從西而入至慶興鹿屯島分派五里許入

海

源流詳見輿地勝覽北關誌及江邊各邑誌

今茂山以下通稱豆滿江

見金

起泓寬谷野乘

東林城有祠宇三間自

朝廷歲送香幣祭豆

滿江神而土人稱以龍堂

見南文忠公九萬龍堂圖記

國家擬此江

於周之沮漆自土

詳見龍飛御天歌及關北賓興錄

故

世宗朝癸丑下教曰豆滿江天造設

太祖始置慶源府于孔州

太宗移府治于蘇多老皆所以重肇基之地也

詳見朝寶鑑及

北關誌以
上豆滿本蹟

穆祖入仕元朝為南京五千戶所達魯花赤

見珠源紀畧及定陵

舊傳文○續綱目曰蒙古初置達魯花赤
監治郡縣達魯花赤猶華言掌印官也

南京古城在

鍾城之豆滿江北

李文忠公端夏北關誌鍾城古跡曰
自董關堡度豆滿江經肅青浦渡舍

春川自南古城號南京其西北
又有山城○以上南京古蹟

穆祖舊基在慶源府龍堂上四圍皆山周可三里許沿江

一枝石确成城

真有萬夫莫開之勢鑿石開逕古稱東
門城內有三井泉脉湧出合成小溪而

東注于江城後主峯極峻高登臨眼
界考諸龍臺記所載尤有奇壯者云基後一峭峰乃石

碯行盡頭而峰頂有老松一株枝柯盤屈鱗甲奇
古與凡松有異俗傳

聖祖手栽而

太祖與佟豆蘭較射時亦嘗掛弓於此云詳見北道
城誌

太宗元年命都巡察使姜思德築東林城石宋周五千八
百一十一尺內有

大井其深莫測
為之築城也○見東國輿地勝覽慶源占亦及北關誌

龍堂碯上女堞今皆頽廢見北道
陵殿誌井堙水淺寬谷野乘
云但井面

磴石周二十餘
把露出地上井上有古基礎砌瓦礫猶存見龍堂圖
記及寬谷

野又有馳馬臺於西南山腰見韓汝斗睡軒集
○以上東林古蹟

穆祖居幹東地東北之人咸歸心焉 王業之興自此始

見龍飛御天
歌及祖鑑
幹東在慶興撫夷堡之豆滿江東邊大野

無際奇峰峭聳中有八池相連五色蓮花並發第三池

金塘村卽

穆祖舊基也

詳見北道陵殿誌及南文忠公初撫夷圖記鄭經山元容岐豐歌謠

孝恭王后聿來胥宇而

翼祖隨焉由東林至此

龍飛御天歌曰今我始祖慶興是宅慶興是宅肇基鴻業○宗廟

樂章曰於皇聖穆建牙于朔滿薦其慶肇戊王跡前後居北二十年高麗高宗甲寅歸元

元宗甲戌德陵安陵初在幹東地定陵舊石陰記曰千戶公墓在幹東倉○北

道必珍陵殿誌云府北十五里豆滿江西岸有軍堡地後

峴正與陵址相至今指點其處云詳見陵殿誌○望俗稱朝對峯

穆祖在幹東每至諸千戶所彼必宰牛馬饗宴累日諸千

戶至幹東

穆祖亦如之見龍飛御天歌諸千戶所卽慶源之豆滿江東邊奚

關城等地輿地勝覽慶源古跡曰自鎮北堡渡豆滿江大野中有土城名縣城城內有六井○北關

誌曰按龍飛御天歌奚關城東距訓奉江七里西距豆滿江五里疑是也

翼祖承襲五千戶威德漸盛諸千戶手下人皆歸心諸千

戶忌而謀害之約獵北地而過期不來

翼祖親往奚關城道遇一老嫗首甕手腕而過渴欲飲之

嫗洗碗盛水而進仍曰此地之人實因請兵而去公

仁人也雖吾小人不愛惜

翼祖急馳還悉家衆載舟順豆滿江而下期會赤島獨與

孫妃走馬出峴遙望幹東賊騎蔽野奔至赤島之對岸

無船先鋒幾及之水忽退而渡詳見龍飛御天歌御製赤島碑文及北道

陵殿誌○以上奚關古蹟

翼祖舊基在慶興府赤島中島周十餘里四面巖石皆赤

故名之曰赤島島之南岸稍寬敞有陶穴遺址十三處

詳見御製碑文及北道島東二十里有西水羅堡豆滿江入海處俗

傳

翼祖入島時率彼澣而走白馬故因以名之見陵殿誌

正祖丁未命豎碑于赤島遺墟御製碑文銘曰蕞爾一區

北興要選上

基我萬禩以上古島古蹟

度祖承襲為千戶在北邊居望德山下詳見御製碑文及北道陵殿誌

舊基即慶興之豆滿江西岸李蔚林藏詩註云望德亭在慶興府容舍傍○岐豐

歌謠詩云望德亭各今為慶興客舍慶源府既移會叱家之後別置孔城

縣于此尋以肇基之地陞為郡改稱慶興又命名咸

興歸州洞古宅曰慶興殿詳見輿地勝覽及北道陵殿誌○以上望德古蹟

度祖夢有白龍告救明日持弓矢往俟池邊果有兩龍相

戰雲霧晦冥莫辨主客竟不發而歸其夜白龍又見于

夢曰白為我黑為客夢覺更往其處發一矢以射黑龍

驚血淋漓渾池皆赤故曰赤池亦曰射龍淵在望德山

十里許周十餘里北連豆滿江池南五里許有屈仲浦

中箭之龍屈仲而走故名後夜白龍來謝曰公之大慶

將在于孫

詳見龍飛御天歌北道陵殿誌北關誌寬谷野乘

御製碑文及

桓祖以雙城千戶還仕高麗

恭愍王乙未

收復東北舊疆進爲

朔方道兵馬使鎮守之

詳見陵殿誌

肇基之跡於是益廣及

薨

太祖代領親兵

社鑑曰親兵二千人

平辛壬癸三亂

辛丑破紅頭賊壬寅擊走胡人

納哈出癸卯却逐爲王塔帖木恭愍特倚益重累官至

將相詳見高麗史及健元陵神道碑文北道陵

殿誌

太祖爲諸軍事時遷德陵于赤池坪中圓峰上

峯高三十五步

許圍九十步許四面沮洳人未易通行於其葬也中國人來相之太祖使雄吉州按撫察理使李原景往視

之其鎮撫白忠信言原景曰此必有子孫與王者原景止之曰汝勿復言詳見龍飛御天歌及北造陵殿

誌洪武戊辰韓山君李穉述全州李氏墳墓記以為千戶公墓在幹東舍今隸開元路云則遷陵是戊辰

以後安陵亦遷于德陵北四里許見殿誌及即位

封陵立碑前面有穆祖德陵四字後面有洪武

前面有孝妃安陵四字後面與德陵同詳見北道陵殿誌

太宗庚寅因野人亂遷二陵于咸興府見龍飛御天歌

英祖己巳因道臣申啓有仍舊碑設閣之命詳見北道陵殿誌

正祖丁未命豎碑于赤池濱御製紀績銘曰式至今安茲

營窟我

先后之仁也尙能興雲興雨永賴我宅園之民耶

以上赤池古蹟

太祖年十七以价江亭長往禦蒙毒於匡城

即慶興古號

是

行得佟豆蘭於价江之山大谷中與之偕來贊成功業

後賜姓李氏

詳見北道陵殿誌

价江在穩城豆滿江北云

青海伯世

家云今穩城柔遠派水○以上价江古蹟



國內四嶽七瀆之萃靈皆白頭元氣之向陽分支者

也惟豆滿之瀆在白頭傍近地爲

聖朝最初發祥之源故考厥古蹟則

穆祖當高麗通元之日北入茲土仕爲南京五千戶掌印

之官監治奚關等城而其肇基則東林幹東之陶穴

陵谷也後世之赤島望德赤池价江歷歷可徵則豆滿
全局無一非幽岐之疆土而著蹟者八處半在江右半
在江左然江左不幸爲野人之侵占通國臣民舉目傷
情南文忠公九萬巡北望幹東有詩曰 王跡舊基爲
異域欲傾東海洗腥膻李文簡公鼎輔觀察時所 啓
曰赤池赤島龍堂撫堡之間

列聖遺蹟在在流傳不可使泯沒請別撰碑陰以壽其傳
然則撰碑壽傳事係重大故古來江右之蹟累登於儒
疏 筵奏或施或未施而江左少無聞焉噫江左四處
旣列於鍾穩源興相近之越濱又是白頭土門以南而

便同異域何哉天運幸環使我

聖祖赤子扶携入居繼以分界之審勘有年矣賤臣承
命視察邊務收籍各墾之願氓爲數萬戶而多讀書明
農能知有

先王之樂土仰 舊陵則宛如含淚之宋圖向古城則豈
無同袍之秦詩其在沿江撫諭之道倍切感衷適值

聖上繼天紀元節於慶源館叅賀禮于郡庭首尋龍堂瞻
聖基神廟以至慶興望幹東而還鍾城竊伏念我韓

祖宗發祥之地昭著江左實不隸於清國所定之界內而
此獨見奪彼忍強占不啻兩國和好之渝盟似是天下

新編通志卷之

公議之一欠故茲敢按證

白頭舊疆攷

高麗史曰成宗癸巳契丹遣蕭遜寧將兵侵高麗聲言欲復高句麗舊地王欲送大臣詣丹營議和侍郎徐熙請自往遜寧索還高句麗舊地熙曰我國卽高句麗之舊地故號高麗何以謂還辭氣慷慨遜寧知不可屈遂許和而退又曰睿宗丁亥遣尹瓘吳延寵率兵擊東女真拓地定界

築九城

英州雄州福州咸州宣州吉州公嶮鎮平戎鎮通泰鎮

尹瓘使兵馬鈐轄林彥記于英州廳壁曰東至于大海西北介于蓋馬山南接于定長二州山川之秀麗土地

之膏腴可以居吾民而本高句麗之所有也其古碑遺跡尚有存焉高句麗失之於前今上得之於後豈非天

歟

詳見本記

古孔州一云匡州

後人掘地得銅印其文曰匡州防御之印

本高句麗舊地

高麗尹瓘設砦爲公險鎮內防禦所

詳見輿地勝覽及北關誌慶源沿革

○以上內
公險本蹟

自會寧高嶺鎮渡豆滿江踰古羅耳歷吾童站英哥站

至蘇下江江濱有公險鎮古基南鄰貝州探州北接堅

州

詳見輿地勝覽會寧古跡北關誌曰按高麗史地理誌公險鎮睿宗二年築城置鎮爲防禦使築山城

直一云孔州一云匡州一云在先春嶺東南白頭山東北一云在蘇下江邊今旣以復源爲孔州則先春嶺東

打興縣志卷之八

南白頭山東北蘇下江邊者為是然未可考又地理誌通泰平戎宗寧真陽等鎮皆睿宗三年築城四年撤城

還女真其地今亦未可考也○以上外公險本蹟

先春嶺在會寧之豆滿江北七百里尹瓘拓地至此城

公險鎮遂立碑於嶺上刻曰高麗之境碑之四面有書

皆為胡人剝去詳見輿地勝覽及北關誌會寧古跡○李修山先春嶺記曰貝州探州堅州此

三州似是渤海及遼金古邑名以東史考之三韓之際曷思王所居曷思水者疑今蘇下江也南京在鍾城府

江北近地元志曰開元府西南曰寧遠縣又西南曰南京又南曰哈蘭府哈蘭今咸興也開元古挹婁勿吉也

開元三萬亦扶餘古國而今屬寧古塔之境扶餘檀君之裔而挹婁勿吉皆其部落其地之係朝鮮無疑矣蓋

高麗界極於先春嶺而南京巨陽皆在境內○以上先春嶺古蹟

自慶源府渡江至縣城北九十里山上有石城名曰於

羅孫站其北三十里有虛乙孫站其北六十里有留善

站其東北七十里有土城古基卽巨陽城內有兩石柱

古懸鍾處城乃高麗尹瓘所築

詳見輿地勝覽及北關誌慶源古跡○李翰林

詩註云縣城北二日程有麗塔乃高句麗時限城界者俗云劍沒界塔○以上巨陽城古蹟

吉林通誌曰高麗以北地名別十八華言乃五國城也

又曰五國城古稱五國頭城以地據五國總路之首得

名後世沿訛但云五國城五國者遼史營衛志謂剖阿

里國益奴里國奧里米國越里篤國越里吉國設節度

使領之屬黃龍府

乾隆中副都統綽克托築作都訥城掘得宋徽宗所畫鷹軸用紫檀匣盛

瘞千餘年墨跡如新又得古簷數十件并得碑碣錄錄徽宗晚年日記尚可得其崖畧云於天會十三年寄跡於

此業經數載始知五國城卽此地也以上五國城古蹟

按白頭舊疆蓋自箕氏之世而沿革之誌不可得以詳

也高句麗盛時西限遼東地北統黑水部山之三面皆爲其有及唐滅麗之日舉白山以東之城以與新羅羅之威力不足於北故句麗餘種乘虛守之竟爲渤海國五季之際渤海亡於契丹新羅讓于高麗麗太祖與契丹限混同江而守之

詳見綱目訓義

睿宗之言曰女真本高句

麗之部落聚居于蓋馬山東世承其職受我祖宗恩澤

深矣

詳見英州廳壁記

麗人指白頭山以下至劔山通稱蓋馬

則舊疆可想然女真之亂遂有尹吳兩將九城之役而

先春界碑既定故至今尋蹟則內公險外公險名同而
二鎮先蘇下後松花名異而一江其曰公險鎮蘇下江
邊先春嶺的無疑也或以巨陽爲近於先春者無乃訛
傳耶吉林通誌之五國城交界蓋指麗祖所限而彼久
不忘自證舊疆今著在清國之掌故也況高麗之號實
仍高句麗之舊而我朝繼主高麗封疆五百餘年天
下常稱之曰高麗麗之界皆我之界也雖盡復句麗舊
地義無不可而麗之先春在其內我之土門又在其內
大抵土門下流接於松花而今伯都訥城乃松花以北
之地則城南山川不甚遠證麗限而本是我韓之有也

故據古撮要以俟博考

太祖朝寶鑑丁丑實錄曰高麗安邊以北多爲女真所占政令不能及焉睿宗遣將深入剋捷有功建置城邑然尋復失之上卽位以後聲教遠被民始得安生樂業田野日闢生齒日繁野人酋長皆服事潛邸東征西伐靡不從焉上卽位量授萬戶千戶之職使李豆蘭招安女真被髮之俗盡襲冠帶改禽獸之行習禮義之教與國人相婚嫁服役納賦同於編戶且耻役於酋長皆願爲氓自孔州迤北至于甲山設邑置鎮以治民事建學以訓經書文武之政畢舉延袤千里皆入版籍江外殊俗爭相慕義或

親來朝或遣子弟或請受爵命或徙內地所畜之馬若產
良駒皆不自有爭來獻之近江而居者有與國人爭訟則
官辨其曲直或囚之或笞之莫敢有怨又於邊將畋獵之
時皆願屬三軍獲獸則納官犯律則受罰與國人無異又
曰以奉化伯鄭道傳爲東北面都宣撫巡察使畫定郡縣
地界且許以便宜從事

權文忠公近送慶源都兵馬使辛有定序曰 國家受
命奄有大東以復高麗東北之舊疆惟孔州最僻而遙
元季之衰鞠爲荆棘我

太上王肇造鴻業追王四代謚高祖爲

穆王以其山陵在茲陞州爲慶源府招輯遺氓以爲巨鎮
黃文景公景源述青海伯李襄烈公之蘭神道碑曰以
叅贊門下府事充都兵馬使鎮朔方風諭女真而綏來
之女真皆願爲國民盡襲冠帶由長白抵訓春江千餘
里入於版圖公之功也

按白頭之疆隨世而變矣高麗九城旋失於女真女真
歸于蒙元及元衰麗氏收復地廣人稀若其設邑止於
吉州而已我朝開國之七年遣李襄烈公列置城鎮
慶源界東至訓春江源鏡城界西至長白山脊所謂孔
州迤北今豆滿左右上下之地也當日版圖之入千里

有餘故江外山川著在輿地勝覽及北關誌矣

會寧江外之公

險鎮先春嶺鍾城江外之南京慶源江外之巨陽城縣城坪訓春江也春山慶興江外之南羅耳浦匹段灘少

伊山真珠池等處

太宗之世因野人梗化并慶源於鏡城遂虛其地

世宗朝志切復舊先設六鎮

慶源富寧會寧鍾城穩城慶興

夫野人中國

之所不能制以金忠愍公宗瑞之策姑慮邊患退守豆滿之險久俟苗格

肅宗朝益圖恢復新設茂山府管以白頭東南主脉清國適定土門東限蓋清之君臣灼知我國初疆而然也噫彼識源者強諱沿流者仍居徙有定界之名竟無復疆

之實顧昔兩邊之勢韓受清制其強弱衆寡殆同鄒楚
之不敵且開市討索臨境恐喝頻年不絕珠玉皮幣交
鄰有道奚暇發復土之論哉茲敢畧舉 國初載籍以
補考證

白頭圖本攷

肅宗朝御製題白頭山圖曰繪素觀猶壯登山氣若何雲
霄誰謂遠星斗定應摩巔有深深水流爲浩浩河向時爭
界慮從此自消磨

定界時軍官李義復記事曰康熙五十一年壬辰五月
接伴使朴權觀察使李善溥會虛項嶺議曰兩國定界

何等重事而皆老病日侵艱辛到此實難徒步非悚無
地淹留天坪南北關守令不爲不多可送者萬戶李義
復趙台相也老臣雖未往以此兩員接伴烏喇總管穆
克登往審定界云云故伴護清使行至白山留憩所仍
宿日出後仰觀則白山前有金星一小山諺傳可次峰
也留憩所則沮洳之地只有樹無花長僅數尺間或有
泉如小池過此而杉樺壽密所謂朴達木亂撲人面艱
行五六里有中川俗稱三流洞川也始見朱土峰下山
涉行六七里到設柵處望見白山西邊岡巒雪消露春
東邊巷谷斑雪頽落穿林攀崖登臨詳審則白頭亥壬

爲坐已丙爲前俯瞰大澤神龍屈伸碧浪空打甫多會
長白等山低小若一眉坎癸方彼地山寅甲方六鎮山
皆入眼中土門江水流入丑寅方所見爲八十里之遠
混同江出於大澤流坎癸方兩山壁立遠望如門細察
坐地前有四峰亦無一草沙白礫黑相雜內明堂長廣
幾爲十里外明堂稍低於內明堂百餘仞而四顧彼我
地皆是平坂延袤數百里眼界宏豁局勢有度捺石攀
枝而下則白山一脉平地發落庚兌過峽復以丑艮寅
屈曲發踪爲小白頭山還宿蘆田行二十餘里到土門
江邊水廣可三十餘步白沙平鋪流痕浪藉沿行五六

里谷轉深而巖多且有流水復登左邊德上行四五里漸有陞高之勢自北邊下山乃土門江源湧出處而流二三里復入地中隱流三十餘里復湧出而始成大川其上無水處或濶或狹山高谷深界限分明此乃天所以限南北也分水嶺峽廣三十步許右邊未坤左邊寅甲俱有界谷而左偏山下平地微突上有巖石以此仍作壠臺清使留此多日周覽分水之形勢勒石爲記依壠鑿石而立顧謂我人曰爾國得地頗廣云

按白山地圖舊必有本而御製詩實因定界時圖本題下也今其全本雖不可見惟李義復記事蓋當日躬

履目覲中出來亦一按圖之據也夫白山屹然爲大東
喬嶽正北有白巖上角其南五里許有兵使巖其南十
餘里曰桃凡伊側只其西回數十里曰摩天隅北回數
十里爲小項又東北回數十里層巖高起與白巖對立
周可百餘里中有大澤如鎗耳樣溢出于北者曰天上
水 御詩所題浩浩河也兵使巖前一枝麓正東落十
里許而其初落一里許隱脉向南爲分水嶺卽定界碑
立處也癸未經畧使探界圖本乙酉勘界使圖本丁酉
觀察使圖本己亥查界派員圖本合四件隨時模傳各
據所見若新圖邊北舊疆則從土門之流窮至松花黑

龍入海處統載韓清俄三國所居部曲之在其南者別
成一本然後庶幾觀盡北局千萬重江山矣茲敢附著
竊俟來考

白頭碑記攷

肅宗朝壬辰定界碑

高 通尺二尺餘廣一尺餘額題大清二大字橫書正面
九行一行入字二行十二字三行十字四行三字五行
十一字六字七行十字入九行入字皆正書石質青頭背
左右琢而不磨本無坐臺鑿堦而立以大石填後在白
頭山大澤東
下十里許

大清烏喇總管穆克登奉旨查邊至此審視西爲鴨綠東
爲土門故於分水嶺上勒石爲記

右額題及一二三四行

康熙五十一年五月十五日筆帖式蘇爾昌通官二哥

右五

行六

朝鮮軍官李義復趙台相差使官許樸朴道常通官金應

瀝金慶門

右八
九行

烏喇總管穆克登先遣筆帖式三人馳啓于清帝曰本

年四月二十九日離厚州江三十里有朝鮮國王所遣

接伴使朴權咸鏡道觀察使李善溥來接三十日渡江

騎朝鮮馬循其北鄙行二百餘里至惠山朝鮮國王又

遣戶曹叅議來排宴床情念欸洽禮貌甚恭此皆感皇

上之恩敬大國之使從惠山起身至劔川道溝以朝鮮

二使臣年老率重馱同副使一人一路往茂山去臣一路減行糧約騎從只帶朝鮮微官數員登白頭山觀池水西爲鴨綠東爲土門遂於分水嶺上立石爲記北流之水未知何向云是烏龍江也循土門江而下今方觀察事完回京云云

金評事璿述鏡城元師臺碑閣記曰不佞奉 旨北土于愁州溫平遂間其暇日躋不咸之頂以望先春烏喇之界鄆謹陽關之田殆周千里烏虜詩有之召公曰辟國百里今也日蹙國百里余仰天而嘻喟然而息烏喇總管穆克登之來定界也巡按而下稱疾不會惟土校

若而人從朴道常與焉是豈殺人盈城殺人盈野而後
失之哉坐而喪之而不知所以喪之也又不足與論於
感國也慷慨喑喑殆怒髮之將衝冠也清人之來聲言
取發祥之地是誠不可以口舌爭然周禮天子祭五嶽
漢武帝時魯獻泰山五嶽在固不害於諸侯之國也若
以周漢之禮詰之彼必樂而聽之不幸爭而不見從彼
必謂秦有人焉不猶愈於坐而喪之而不知所以喪之
也歟道常有劄記云人如飛人馬如飛馬蓋如倏僥之
見長人震栗碎易而不暇自飾也烏庠然爾則尹文肅
公其夫人也已矣方金虜之席卷天下也其勢豈下於

滿人哉然按甲長驅斥地數千莫有與誰何者悲夫彼獨何人哉

按白頭山上古無定碑只以山麓江派爲界高麗時立定界碑於先春嶺卽白山戌亥方一枝迤東列麓於松花江北濱者也我朝疆土人民乃麗氏之舊有故每以先春標北界之銅柱矣萬曆年間清人起自建州而松花以北亦其基本康熙壬辰聲言取發祥之地命穆克登審白頭定界夫兩國天作之限以山麓而無踰先春嶺以江派而莫若大澤北流之水矣界以此嶺此水則彼所謂發祥恐屬我疆故穆克登指其北流曰未知

何向遂尋白山東麓別名曰分水嶺任意自斷勒石著
記噫我國重臣老悷自蹲只付微官備員傍觀無一口
苦爭坐失我東方千年先春之舊限志士公憤禁自不
得觀於後來金評事元帥臺閣記槩可想矣今北流之
水姑雖未論土門之分乃是素定也近年談辦彼強指
豆滿爲土門蓋土門之定昔屈於肆然號令之勢尙感
我疆况當此公法交好之世又欲蹙土門之南而苟無
明白查勘則又以滋後人之惑矣茲附辨說以俟通考

北輿要選下

探界公文攷

聖上壬午冬清吉林將軍行文我國云遵旨令刷還土門
江以西以北佔墾之朝鮮貧民癸未四月又自敦化縣
告示鍾城會寧兩邑越邊使民歸回淨盡於是邊民始
知敦化縣之誤認豆滿爲土門乃往審白頭山立碑處
碑東連置石堆木柵石堆土堆爲限下有土門兩崖對
立如門非石而土其下有水發源另作別派此水之合
流處江崖路絕不能沿流而歸鍾城穩城會寧茂山四
邑邊民合訴于鍾城府使李正來曰竊念敦化縣今乃

新設界限之從某至某未及明審故有指豆滿以北爲土門以北矣考諸上國咨文與吉林札飭有以土門爲界又曰佔墾之地在土門江以北以西矣未嘗言及於豆滿以北土門則在分水嶺查審定界處豆滿則源出本國界內非上國之所知也上國之或稱土門或稱圖們皆有所由土門者分界處土門也圖們者慶源以下入海處也本國通稱由本國界內發源至入海處爲豆滿故稱圖們者乃本國豆滿之譯音相殊者也今指豆滿以北爲土門以北者乃入居土門以南之上國流民見本國民之春耕秋歸以過江爲禁因認爲佔畊而誣

告敦化縣至有告示而使之歸回淨盡也請以此意照

會于敦化縣俾即查界歸正云云詳見本狀是時西北經畧

魚允中在慶源聞其事遂遣鍾城人金禹軾刻期往探

定界碑于分水嶺即五月十五日也金禹軾探界路程記曰十五天明雲

暗雨露朝後風作捲止果若神助康熙光緒之月日又是符合暫瞻碑文攀登上角掛額巖棚越下視大澤浩

若大海北邊有酒鐮樣濶退者謂之天上水水落空中百千丈而流黑龍江之源也自澤中有澤若一浮雲上

升散鎖峯巒不分咫尺回風轉石暫時放鐵忙忙回下轉倒相扶初更到于昨宿處翌晚勵精更上自立碑處

看審定界表則碑東邊仍築三磊濶處一馬連樹木林露半尺餘蒲壑始折大開艮卯間而木株盡處浦東邊

種種築石者十餘里其下往往屯屯石十五里石盡往往上屯於樹木間六十餘里而止十七日從土屯處而下

則浦水隱漏為泥不乾浦三十餘里隱水更出次次成川二十九日禹軾還報經畧

身重

使六月朔日陪到鍾城經畧使令禹軾再探分界之源

以鍾城出身吳元貞伴送又甘結于茂山府定刊碑人

鄉任李琮呂出身權興祚也十八日至立碑處刊出遂

尋土門分界之源流金禹軾探界日記曰十四日到豎峯下霖雨始作至十八日天明止

而未快朝後上立碑處五人各以雨衫荷環抱碑僅刊入張全不成樣為風雨所驅而下翌日氣勢如昨又往

刊二十張西踰大角峯自石屯尾從土屯出土門下來

泡石浦入十餘里止宿以上乾川近百里以下次次成

川長流而大井一日從派下往六十餘里西渡土門江

止宿杉木浦井二日北句五里東渡土門江北踰長山

端挾嶺東行入十餘里止宿於石陵之三江合口原流

土門江而二水源出北甌山西流者黃水北流者黃口巖
水三江會此北流入於黑龍江沿無陸路但由水待合
冰往來吉林云井三日自此東行入十里井四日東北
間行七十里井五日北行七十里止宿北甌山西峽井
六日北行四十餘里上北甌山周幾百餘里山如人躋

孤濱江皆懸崖陡壁乃至黃口嶺而還繪有新圖與舊
地圖較閱則土門江與分界江間有不相屬處曾以爲
疑今此遣人踏勘又如此本職於疆域圖誌未曾詳悉
且貴縣則闢荒建署未久宜查實勘定一遵康熙朝所
劃疆界請煩貴縣派人約同先審白頭山定界碑知土
門發源之處繼而查明界限辦別疆土爲妥茲據民人
所呈并將土門江分界江以南舊圖移摸一本新圖一
本白頭山分水嶺定界碑墨搨一本賁送查照商辦可
也經畧使亦以是歲還 朝廷奏故邊民日望舊界之
勘定

按分水定界之後我國未有能窮土門之源流以復本
壩而清人之勢方強土門以南城鎮仍舊不撤只於上
流之南岸或有其國之逃民潛處者則每行刷還矣咸
豐末俄人窺土門下流以南沿海閒曠地割據開墾我
國民因歉入居由是邊禁漸弛繼以清民之佔墾於上
流南岸亦多爲主反禁我民過江近地之結幕墾種顧
昔日定界之公法安在哉所以有癸未探界之本末故
今選大要于此以備參考

勘界公文攷

聖上乙酉秋以安邊府使李重夏爲勘界使審勘土門地

界九月二十七日勘界使與從事官趙昌植到會寧府

清國派員德玉

璋右副都統衙門派員邊務交涉承辦處事務

賈元桂

護理招墾邊荒

事務秦瑛

吉林派員督理商務委員

等連日來會三十日及十月朔日

兩次談辦多所爭執初三日發行及到茂山地豆滿江

合三源之處清國派員專欲查勘正流勘界使以爲先

勘碑界後審江源屢回卞論乃定三路分進之議十五

日從事官趙昌植隨員李垵燮

會寧居折衝

金禹軾

鍾城人見上

同琿春派員德玉往勘紅湍水源隨員吳元貞

鍾城人見上

同中國繪圖官廉榮往勘西豆水源勘界使與按撫中

軍崔斗衡隨員崔五吉

穩城居前五衛將

權興祚

茂山人見上

同中

國派員秦瑛賈元桂沿紅土山水源直向白頭山晝夜

間關尋立碑處

荒崖陡壁亂木叢林間關前進僅至二百里程而山川險阻風雪交加中路

宿賈元桂惡其查碑欲令勘界使窘困自退深夜僅行積雪及腰天地晦冥許多人馬幾乎潰死忽然東南

三朝日初升始尋立碑處計其夜程則六十里

搨出碑文與派員各持一本東

西水源土石堆形一一指證仍爲下山而趙昌植勘至

虛項嶺衝雪僅回西豆水勘員次第來會至二十七日

齊到茂山勘界使具由馳啓曰伏念勘界一事以定

界碑形便言之碑在大澤南麓十里許而碑之西邊數

步地有溝壑爲鴨綠江之源碑之東邊數步地有溝壑

爲土門江之源連設石堆土堆九十里堆高數尺堆上

林木自生已有老而拱者明是當年標限而至大角峰尾中間溝形忽窄土岸對立如門者指此也豆滿江上流衆水發源中最近於封堆者是紅土山水源而橫隔漫坡相距已爲四五十里之遠以土門上下形便言之碑東乾川東迤百餘里始出水東北流轉而北入松花江松花江卽黑龍江上源之一派也吉林寧古等地皆在其中中國派員以爲中國朝鮮交界本以圖們江爲界總署禮部奏議亦云查勘圖們江舊址而今此碑東之溝是松花江上流與東爲土門之義不符轉多疑貳之說臣以爲下流雖入於松花江而標限之碑堆旣如

彼土門之形便又如此過不接於豆滿上流則我國之人只認以土門定界而已初無一毫欺隱故苦口力卞而彼則專欲以圖們江正源定界臣則惟以碑堆之界爲證兩相葛藤彼此矛盾故另成繪本歸報朝廷之意十餘日商議始成草本照會公閱然後更寫正本而其繪圖官畫法精細至以劃井間而標里數開輪圖而辨方位多日費工乃成完本山水形址不至甚爽紅湍水形便則距西邊鴨綠之支流相距爲七十五里與立碑處南北距爲一百三十里西豆水正流則至于吉州地方而與立碑處南北相距爲四五百里則與碑文之東

爲土門初無相關處處指證一一卞論足以劈破其疑
中國派員又以碑界江源與中國圖誌不合終不釋疑
數朔相持竟無指定之道故各持碑文一本圖繪一本
而給本則互相銓印另行照會乃於十一月三十日自
會寧府彼此還歸邊界形便聞見事實畧綴數條附臣
愚見別具一件并以碑文一本圖繪一本及照會謄抄
一卷談草一卷上送于承政院以爲 乙觀之地臣與
從事官臣趙昌植仍卽復路緣由馳 啓云云至丁亥
再勘而事未歸正

按此兩國界限水以分之碑以定之然水流於荒漠之

間實非曲曲易尋之地碑立於高遠之上亦無時時登覽之人故彼雖識源常不厭其界之跨外我難覓源自不覺其界之蹙內至于癸未幸得分水之真源探界旣詳竟有乙酉兩對之查勘是其公共道理也于時談辦足以破彼此積疑一百七十餘年界限一朝分明而勘界使 啓本尤爲國史之來徵故今選大要于此以備叅考

察界公文攷

大皇帝光武元年丁酉秋咸鏡北道觀察使趙存禹按節到府考據探界勘界兩蹟採察形勢精成圖本附以談

辨凡五條一曰白頭山分水嶺形便

白頭山朝鮮之祖宗也正東落一枝

麓分爲南而北立定界碑故曰分水嶺碑西有巨壑西挾白山東挾分水嶺即鴨綠江發源處也碑東有

溫浦南挾大角峯北挾石堆爲數十里土壁如門樣數十

里故曰土門也自碑東石堆爲數十里土壁如門樣數十

堆上樹木已爲拱揖而堆止處水出即衫浦也自衫浦

以至手北甌山西邊陵口黃口水大沙墟小沙墟九等

壩各洞水合流三百餘里至兩兩溝入于松花江

二曰北甌山下畔嶺分界江

長引江元口江形便

自白山分水嶺來脉東落三百餘里爲北甌山甌山之南有水名曰

兀口江正南流二百餘里至茂山三下入于豆滿江甌山之東又有一派水名曰長引江蓋分水嶺土門江東

流三百餘里過甌山入于松花江土門以東甌山以南

之爲我地的確無疑而况甌山以東水與西北間水東

流入于豆江而源流只隔下畔嶺則如八字樣以此論

之某山某水皆爲我分水嶺所從來也故下畔嶺以西

清國地名曰邊裏又有分界江長引江之間山名帽子

山地各亭加土向於開市數百年來清官與商賈自鍾

城撤歸也貨物輸送皆使我民駛至於此九
十里曰朝鮮地界至此而止亦豈非明驗乎
三曰豆滿

江形便

豆滿江則源出於長山嶺池而與分水嶺立
碑處相距為九十餘里原不接於土門江也
四

曰居民情形

自茂山越邊長或百餘里數十里廣或數
三十里五六十里東北界至穩城界六百

里之地韓民移入者已過數萬戶皆為清人之壓制清
人不滿韓人百分之一也難髮易服亦不滿百分之一

也此輩估墾始知我地而入居終為彼地則不得已一
時計活祖先墳墓在此父子兄弟各分兩國者衆冬不

忘故土每以定五曰兩次勘界辨說

始自壬午午我人過
界如日之望焉江估墾而癸未經

畧使魚允中使人探訪白山定界碑進奏天陞按撫
使趙秉稷具由啓聞乙酉勘界使李重夏與清國派

員秦瑛德玉賈元桂爭執而彼曰土門圖們均是一水
我以土門圖們明是二水次次看審一指登則彼曰

古人之誤錯未決妥辦丁亥又為勘界定界不得者矛
盾勢殊強弱不敵之致也然此地間曠數百餘年兩國


互相禁止清人發差焚卡驅以刷還我人或入則依律
梟首懲而禁斷矣近來清不禁禁止我亦不禁雜處起墾

主客懸殊備質無異
豈無寬抑之甚乎

末乃辦之曰右項諸條已著白山

與土門分界之別而今此查公法會通第二百八十三章曰兩國於某處荒地占居部落而辨界未定若無江河山嶺爲限則應於居中劃界此則土門分水之界限分明第二百九十五章曰兩國以江河爲界其中洲嶼若無條約明言必歸相近之國管轄如適在水之中央則均分爲是此則條約明言昭載於碑而又曰兩國毗連理應會同查定疆界明白繪圖貼說以杜日後疑端可也迨此文明開化之世按圖辨方勘碑勘江不外乎此觀風觀俗願耕願立亦不外乎此雖寸土尺地無至

見失則羣黎百姓若逢回甦之秋而咸戴其功矣特舉
一次談辦於各國公領正其境界則晉楚不能加鄒吳
蜀不復爭荆耳

乙酉勘界之時兩國一場眼同舌爭則有碑於地分
之水嶺而東西已定有源於天作之土門而南北自限
故人跡易通雖尋常行路猶能往往看審物情難抑雖
庸愚坐談皆可歷歷指證苟順其勢而經紀之則舊界
之復特轉移間事耳丁亥以後論邊務者有所未遑延
至十年之久抑時之未及也然此交界實係咸北宣化
之內採察形便其與談辦於各國公領者必爲時務之

急先故今選大要于此以備參考

查界公文攷

大皇帝光武二年戊戌秋咸鏡北道鍾城居民吳三甲

前五

衛將

等以白頭山澤下定界碑事跡分界豆滿兩江之間

地未勘事越寓民失籍事上言

事見本文

伏承

批旨令政

府稟處已亥春三甲等申訴內部內部大臣李乾夏發
訓于咸北觀察府觀察使李鍾觀以慶源郡守朴逸憲

定查界派員送本府主事金應龍偕往審勘四月十六

日

陰三月初七日

起程先審分界江源至白頭山立碑處而歸

派員前往于分界江溯流究源則源出於下畔嶺合于小地名土門子水而至二百餘里夾心子流於懸城於

伊後水會處確非原定界限土門之下流也由此轉轉
武涉南過長引江歷青山平崗四道溝廣坪等地二百
餘里之遠到茂山郡距定界碑處三百五十里也風餐
露宿涉險攀危歷勘豆滿江源抵得白頭分水嶺上果
有一青質石碑兀然特立坐北向南字劃分明陰四月五月十五日初六日查界派員

報于觀察府曰碑之東西分水溝壑完如八字樣故以
指南針審驗方位則西之鴨綠之溝東之土門之溝確
鑿無疑毫不差爽碑堆之去豆滿上源洽爲九十餘里
之遠而初不接於土門發源則指豆滿謂土門苟說不
得者也自碑址從東溝而下間三四寸步許往往築石
堆延至二十里許大角峰自此築土堆如山迤東至七
十里堆合爲一百八十餘屯堆上之木自生自老皆已

拱抱築土之中間有土壁如門樣數十里許故旣得土門之名此是亘萬古不易之界也標限如彼的確則何必捨此土門之真源而止論於北甌山下畔嶺源出之水乎碑東土門之源歷石堆土堆至杉浦水始出迤至于北甌山之西陵口黃口水大沙墟小沙墟九等墟兩兩溝等處流于五六百里之許與松花江并合東至于黑龍江入于海土門江之自上源至下流入海以東固是界限內地而我國則初慮邊釁嚴禁流民遂虛其地故清國謂之已疆先爲占居至有割讓俄人千餘里之地視之當年定界土門之限不容若是而原定之界限

尙未妥勘民生以之受困邊案從又滋案揆以交際寔
屬未協迨此兩國和好定約之日我疆我理又所不已
也摠之此界之申明舊限有關於韓清俄三國互相先
期聲明三國各派妥員會同先勘白山之定界碑自土
門之源順流至于入海處歷歷踏勘公眼繪圖彼此援
照各國通行之法例公平妥決則界限自可分明邊釁
無由滋生矣不但本國邊民之安插乃已實是三國和
誼之友睦豈非亞洲東隅之一大幸乎今於承訓查界
之行只自下畔嶺以下至白頭山定界碑堆形便與豆
滿江上源一一踏勘繪圖至若碑堆土門江下流入海

之處道路險悠不可以數三箇月遍勘故未及躬查該

土門下流之界不能仔細圖形故地界繪圖定界碑本

各一件粘付而界地情形可據事蹟左開報告云云左

開六條一曰白頭山分水嶺土門江形便

畧曰白頭山大澤三面皆

塞北流謂之天上水此松花江之源山之一枝麓東落

西為鴨綠東為土門土門江合于松花江至黑龍江而

入海今於勘碑查界之場碑記之東為土門四字寔為

兩國公判二曰豆滿江土門江二水之辨

畧曰現考關北志云古人

諸城中以上稱於伊後江以下謂之豆滿江即今穩城

鍾城接界也茂山會寧鍾城三邑之江實為漁潤江而

即於伊後江之變稱初無豆滿之名灼然可知安得為

土門之轉音乎最使漁潤豆滿早得土門之名與分水

嶺發源之土門大不相同三曰分界江非土門江下

是二土門不可以一水論也

流之辨

畧曰下畔嶺發源之水或稱博哈近河或稱

得分界之名乎蓋分水嶺發源之土門江東流三百餘

四曰關北誌事蹟五曰古老傳說六曰邊界事情畧曰

自豆滿江一帶距土門江下流以內地面長寬做量為

地專賴我民之力而清俄民則不通是我民十分之一

墳墓是豈本性哉且鬪匪熾盛傷命搶財之與比比有

之皆遑遑若不保朝夕今於查界所經處男婦老少往

往難環馬首泣說困苦只望劃界安接之澤此皆我

先王赤子也如不拯救之急必將填壑乃已與言及此

寧不矜憫竊惟民心亦天意也尋劃舊界安接流民豈

不應天賦人乎謹按公去會通第二百九十六章載明

兩國毗連理應會同查定疆界明白圖繪貼說以杜日

後疑端等語當年穆克登之奉旨查邊也兩國會同立

石築堆明白查定載於圖誌則鴨綠土門之限有何疑

端乎且二百九十七章載明兩國若以山嶺為界而無

條...
順水而下...
水天然之限...
明兩國於某處荒地占居部落而疆界未定者若無江河山嶺之標限應有劃界之論而况已定界限內之一尺寸王土幾千萬我民肯讓他邦之管轄壓制哉此誠千古臣民有忘之所共慨然故敢附愚見如是恐未知處分之如何

同月二十五日

陰四月十六日

觀察使報于內部大臣

曰該派員之查界已是纖悉而大抵區域定界必以山嶺春岡江流川派爲限者自古不易之典故舜之肇十有二州封山濬川禹分九州奠高山大川此是定規也今我界白頭山之西鴨綠東土門是亦天限非人力所爲也清國總管穆克登查邊定界立碑於土門江發源

處分水嶺上以土門江南北定爲韓清兩界之限此亦
遵古今之規也前勘界使李重夏以分水嶺定界碑土
門江確證詰辦事竟未就我國臣民迄今痛限何幸天
人符應兩界確定時所可明證者卽是分水嶺土門江
而乃前日已定之界也清員秦瑛談辦時以紅湍水西
豆水爲界者當初穆克登無立碑界限之表則從何指
證且我民入居者爲幾萬戶彼民不過幾千戶彼以先
占之勢壓制我民驅使賤役我民雖或薙髮其本心則
皆願爲我國之氓天意可驗於民心邊情形便若是惟
在兩查處辦定界碑文一度邊界地圖一本堅封捺印

北輿要選下
以府主事金應龍定派員上送茲以報告云云

北伯察界之談辦草定而適有邊民之籲 天遵

朝令查界則派員踵前曲察尤加詳焉其報云韓清俄
三國會同勘碑自土門之源順流至于入海處歷歷踏
勘公眼繪圖彼此援照各國通行之法例公平妥決則
界限自可分明此真確論也噫土門以南之疆非不分
明而清不還我自割與俄計在姑息而俄求無已至召
庚子之禍三國混處局勢紛紛所查之界何時定乎今
選大要于此以備參考

北輿要選下

跋

昔舜肇十有二州封山濬川禹分九州奠高山大川此
職方氏與地圖之始也蓋非山川則無以分疆域之限
無輿誌則不得考山川之蹟此輿地家之務要也顧今
北瀝我韓坤倪而高麗時立定界碑於先春嶺標北界
之銅柱松花以北皆我舊疆之內也至清康熙壬辰以
虎威之勢烏喇總管穆克登擅斷勒石於白頭山以土
門爲韓清之界使我疆場內蹙而因循越占今又欲蹙
土門之南此千古志士之長歎而北輿要選之所由作
也光武六年壬寅夏李範允懍奉 聖勅與予偕往墾


北撫諭白山下荒蒞之寓民十數萬口復入我版籍噫
茲土寔先聖肇基發祥之萃而蹟著史誌者迨充棟
今頗散逸未整其要誠方輿之一欠翌年癸卯春將欲
博蒐北蹟選其要而付剞劂廣壽於寰宇之內是役焉
採摭釐正者關北真儒慶源金魯奎也其門人龍堂崔
相敏金塘吳在英補寫左右之亦有心人也此書出使
天下公眼君子取閱博議則我舊疆山川之從某至某
可指掌而清鄰強占之匪今斯今抑有噴舌矣嗚呼窮
則必變人事也無往不復天道也安保今日之恃強凌
弱而龜陰汶陽不將還於魯也姑據古撮要以俟他日

天下之公議云爾

光武七年癸卯暮春北翟島修約委員李秉純謹書

北輿要選下

跋





遊

記